

आकाशवाणी

खबरां -----

1. विदेश मंत्री डॉ. एस. जयशंकर होंरें आखेआ जे पाकिस्तान कन्नै स्हाड़े रिशते ते सरबंधत गल्लबात सख्ती कन्नै दक्खी होग।
2. रक्षा मंत्री होंरें आखेआ जे पाकिस्तान दे हत्थें च परमाणु थेआर सुरक्षित नेई। इसी आई.ए.ई.ए नै अपने कब्जे च लेई लैना चाइदा ऐ।
3. ब्रिटिश राजनीतिक कमेंटेटर ते लेखक डेविड वेंस होंरें आप्रेशन सिंदूर गी अपना समर्थन दिता ते इसी इक जरूरी गेंस आखेआ।
4. जामिया मिलिया नै तुर्की शैक्षणिक संस्थानें कन्नै होए दे MOU सुरक्षा कारणें गी दिक्खदे होई निलंबित करी दिते।
5. जम्मू-कश्मीर दे पुलवामा जिले च होए दे टाकरे च 3 आतंकवादियें गी मारी मकाया।
6. आप्रेशन सिंदूर दी जित दे सिलसिले च भारतीय सेना दे सम्मान लेई श्रीनगर ते जम्मू च तिरंगा जातरा कइडी गेई।

<><><><><><>

Jaishankar Pakistan

विदेश मंत्री डॉ. एस जयशंकर होंरें अज्ज भारत ते पाकिस्तान बश्कार कुसै बी त्री पार्टी दी मध्यस्थता थमां इंकार करदे होई आखेआ जे इस्लामाबाद कन्नै सरबंधत गल्लबात सख्ती कन्नै दक्खी होग। नमीं दिल्ली च मीडिया आहलें कन्नै गल्लबात करदे होई डॉ.

Shah-AIIMS Visit

गृह मंत्री अमित शाह होरें अज्ज नमीं दिल्ली च एम्स दा दौरा लाया ते छतीसगढ़ ते तेलंगाना बन्ने कोल कररेगुटा पहाड़ियें च 21 दिनें लम्में चले दे नक्सल विरोधी अभियान दरान जख्मी सुरक्षा कर्मियें दा हाल चाल पुच्छेआ ते उंदी सेहत दा जायजा लैता।

<><><><><><>

Rahul-Gandhi

लोकसभा च विपक्ष दे नेता राहुल गांधी होरें अज्ज बिहार दे दरभंगा च अनुसूचित जाति, पिछड़े ते मते पिछड़े वर्ग दे विद्यार्थियें कन्नै गल्लबात कीती। राहुल गांधी होर शुरु च एह संवाद विद्यार्थियें कन्नै दरभंगा दे अम्बेडकर होस्टल च करना चाहंदे हे पर प्रशासन नै इसी अनुमति नेई दिती। एहदे बाद कांग्रेस दे प्रदेश अध्यक्ष राजेश राम ते होर दुए नेता गेट खुलवाने लेई होस्टल पुज्जे। पुलस नै गड्डियें गी अंदर नेई आन दिता। एहदे बाद राहुल गांधी होर पैदल गे ते विद्यार्थियें कन्नै गल्लबात कीती। प्रशासन नै इस थमां पैहले कांग्रेस गी इस कार्यक्रम गी टाउन हाल च करने दी इजाजत दिती ही।

<><><><><><>

David Vance Sindoor

ब्रिटिश राजनीतिक कमेंटेटर ते लेखक डेविड वेंस होरें आप्रेशन सिंदूर गी समर्थन दिंदे होई इसी इक जरूरी गेंs आखेआ। इक समाचार एजेंसी गी दिते गेदे साक्षात्कार च उनें आखेआ जे ओह पाकिस्तान गी अफसल ते आतंकवादी राज्य ते आतंकवादी Incubator मनदे न। वेंस होरें पहलगाम आतंकवादी हमले दी गलत कवरेज लेई पच्छमी मीडिया दी

बी निंदेआ कीती। उने आतंकवादिये गी बंदूकधारी करार देने लेई मीडिया आहले दी आलोचना कीती ते उंदे उप्पर पाकिस्तान दा पक्ष लेने दा इल्जाम लाया।

<><><><><><><>

Jamia-Milia

जामिया मिलिया इस्लामिया नै तुर्की सरकार कन्ने जुड़े दे सब्भने शैक्षणिक संस्थाने कन्ने होए दे समझौते जापने गी निलंबित करी दिता ऐ। एह फैसला राश्ट्री सुरक्षा गी दिखदे होई लेता गेआ ऐ।

<><><><><><><>

PM-Fisheries

अज्ज प्रधानमंत्री नरेन्द्र मोदी हुंदी अगुवाई च मच्छी पालन क्षेत्र दी तरक्की ते योजनाएं दी समीक्षा लेई इक बैठक होई। इस बैठक च गैहरे समुंद्रे च मच्छी पकड़ना ते सी फूड दे निर्यात उप्पर जोर दिता गेआ। इस बैठक च मच्छी पालन सरबन्धी केंद्री मंत्री राजीव रंजन सिंह ते वरिष्ठ अधिकारिये हिस्सा लेता।

<><><><><><><>

Shells-Defused

भारतीय फौजे राजौरी जिले दे नौशहरा इलाके च कब्जा रेखा दे नेड़े कलसियां ग्रांस दे रियहायशी इलाके च पाकिस्तान आसेआ दागे गेदे नेई फटे दे शैल्ले गी नकारा कीता। पिछले दिने बन्ने पर बनी दी तनोतनी दे दरान पाकिस्तान नै एह शैल्ल रिहायशी

इलाकें च दागे हे जेडे उसलै फटे नेईं ते हून फौज आसेआ मकामी लोकें दी सुरक्षा लेईं इ'नें शैल्लें गी नकारा बनाया गेआ ऐ।

<><><><><><>

Search-Operation

सुरक्षाबलें रियासी जिले दे इक जांगली इलाके च संदिग्ध नक्लो हरकत दी जानकारी थोने परेंत उत्थे अज्ज तुपाई अभियान चलाया। आकाशवाणी दे जम्मू संवाददाता दी रिपोर्ट मूजब जिले दे भागा (पागा) इलाके च इक महिला आसेआ द'ऊं संदिग्धें गी दिक्खे जाने दे बारै च थोई दी इक सूह पर कार्रवाई करदे होई जांगली इलाके च सुरक्षाबलें आसेआ सांझा तपाशी अभियान चलाया गेआ। इस अभियान च सुरक्षाबलें आसेआ ब्हाई मदाद बी लैती जा'रदी ऐ तां जे इलाके दी सुरक्षा यकीनी बनाई जाई सकै। तोआई, जंदे रोज कठुआ जिले दे घगवाल इलाके च इक महिला आसेआ द'ऊं संदिग्धें गी दिक्खे जाने परेंत सुरक्षाबलें आसेआ रम्भेआ गेदा तपाशी अभियान अज्ज दुए ध्याड़े बी जारी ऐ।

<><><><><><>

Operation Sindoor Hailed

रियासी जिले दे बसनीकें भारती थेआरबंद बलें आसेआ पूरी कामयाबी कन्नै आप्रेशन सिंदूर गी तोढ चाढने पर बड़ी मती खुशी जाहिर कीती ऐ। देसै लेई पैदा होए दे खतरें गी तबाह कने दे आम लोकें दी सुरक्षा यकीनी बनाने लेई चलाए गेदे आप्रेशन सिंदूर गी रियासी जिले दे बसनीकें दा बड़ा मता समर्थन हासल होआ ऐ। इनें लोकें सुरक्षाबलें दिएं फौरी, अनुशासित ते असरदार कार्रवाइएं दी सराहना करदे हेई इसी खिते च टिकाऊ

रमानदारी दी दिशा च पुट्टी गेदी गेंs करार दिता ऐ। मकामी समुदायिक लीडरें, युवा प्रतिनिधिं ते परोआरें बी थेआरबंद बलें दी उंदी निष्ठा लेई सराहना कीती ऐ।

<><><><><><>

DGP

जम्मू-कश्मीर पुलस दे डरैक्टर जनरल नलिन प्रभात होरें जम्मू दे आई.जी.पी भीम सेन टूटी हुंदे नै पुंछ दा दौरा लाइयै उत्थे पाकिस्तान आसेआ हाल च कीती गेदी गोलाबारी परेंत बने दे हालात दा जायजा लैता। डीजीपी होरें अपने दौरे दी शुरूआत जिला पुलस लाईन्स पुंछ थमां कीती जित्थे उनें पाकिस्तानी गोलाबारी करी होए दे नुकसान दा जायजा लैता। उनें मकामी पुलस अधिकारिं कन्नै गल्लबात कीती ते इलाके च मजूदा सुरक्षा बंदोबसतें दी बी जांच कीती। मगरा डीजीपी होरें राजा सुखदेव सिंह जिला अस्पताल जाइयै उत्थे गोलाबारी च जख्मीं होए दे लोकें कन्नै मलाटी कीती। उनें जख्मिं दी डोल पुच्छी ते उनेंगी हर मुमकन मदाद दा भरोसा दोआया। पुलस दे आला अधिकारिं दा एह दौरा लोकें दी सुरक्षा यकीनी बनाने दी प्रशासन दी बचनबद्धता गी दर्शादा ऐ।

<><><><><><>

Encounter

दक्खनी कश्मीर दे पुलवामा दे नादेर-त्राल इलाके च होए दे टाक्करे च सुरक्षाबलें 3 बेपंछानू आतंकवादिं गी मारी मकाया ऐ। सुरक्षाबलें दा एह अभियान अज्ज बड्डलै शुरू होआ हा। कश्मीर दे आई.जी.पी वी.के बिरदी होरें आकाशवाणी समाचार गी दस्सेआ जे अभियान दरान 3 थेआरबंदआतंकवादिं गी मारी मकाया गेआ ऐ। मारे गेदे

आतंकवादिएं दी पंछान कीती जा'रदी ऐ। एहदे शा पैहले इलाके च आतंकवादिएं दी मजूदगी बारै इक्क पक्की सूह थहोने परैंत फौज, जम्मू-कश्मीर पुलस ते सी.आर.पी.एफ आसेआ नादेर-त्राल इलाके च सांझे तौर पर घेराबंदी ते तपाशी अभियान चलाया गेआ हा।

<><><><><><>

Tiranga-Yatra

भारतीय फौज दे आप्रेशन सिंदूर दी ऐतिहासिक जित नै समूलचे मुखे गी आत्म सम्मान ते गौ दी भावना कन्नै भरी दिते दा ऐ ते हर कोई अपने सैनिके दी हिम्मत, दलेरी ते राष्ट्र दी रक्षा लेई उंदी समर्पण भावना दा गुणागान करा करदा ऐ। इस्सै कामयाबी गी इक जशन दे रूपै च मनाने लेई मुख्य भरै च 11एं दिनें दिएं तिरंगा जातराएं दा सरिस्ता कीता गेआ ऐ जेदे च शामिल समाज दे बक्ख-बक्ख तबकें दे लोक भारत माता दी जय ते भारतीय थेआरबंद बलें दी जय-जयकार करदे होई चबक्खिय देश प्यार ते राष्ट्रीय इकजुटता दा नजारा पेश करा करदे न। तोआई, श्रीनगर दे लाल चौक च बी तिरंगा जातरा कड्डी गेई जेदे च बड़ी मती गिनतरी च लोके हत्थे च तिरंगे लेई भारत माता दी जय दे नारे लाए ते भारत दी जित दा जशन मनाया।

<><><><><><>

IMD-Weather

भारत दे मौसम विभाग नै औने आहले 3 दिनें तगर उत्तर पूर्वी भारत आंध्र प्रदेश, पच्छिम बंगाल ते सिक्किम च बदल गरजने ते मती भारी बरखा पौने दी मेद दस्सी ऐ। आकाशवाणी समाचार कन्नै खास गल्लबात करदे होई मौसम विभाग दे वरिष्ठ

वैज्ञानिक अखिल श्रीवास्त होंरें आखेआ जे अगले 2-3 दिनें दरान पच्छमी राजस्थान ते बिहार च गर्म लू चलने दी मेद ऐ।

<><><><><><><>

Army-chief

सेना प्रमुख जनरल उपेंद्र द्विवेदी होंरें बारामुला जिले दे अगेत्रे इलाकें दा दौरा लाया ते आप्रेशन सिंदूर दौरान कब्जा रेखा पर बलें आसेआ निभाई गेदी भूमिका दी सराहना कीती। उनें आखेआ जे सुरक्षाबलें गी कुसै बी चुनौती कन्नै निब्वडने लेई म्हेशां तयार रौहन। सोशल मीडिया पोस्ट एक्स पर सेना नै जानकारी दिती ऐ जे प्रमुख होंरें चिनार कोर दी Dagger Division दा दौरा लाया ते जोआनें कन्नै गल्ल कीती। बलें गी संबोधित करदे होई उनें उन्दे शौर्य बलिदान ते साहस दी सराहना कीती।

<><><><><><><>

Prez. SC

सुप्रीम कोर्ट नै राष्ट्रपति ते राज्यें दे राज्यपालें आस्तै कुसै बी बिल पर कार्रवाई करने आस्तै समें सीमा तय कीती ऐ। सुप्रीम कोर्ट दे फैसले मगरा राष्ट्रपति द्रौपदी मुर्मू होंरें अदालत थवां सौआल पुच्छे हे। उनें आखेआ जे संविधान च तय समें सीमा दी बवस्था नेई होने पर बी केई विधायकें गी मंजूरी आस्तै राज्यपालें पर कोई समें सीमा तय कीती जाई सकदी ऐ। संविधान दी दफा 143 (1) तैहत राष्ट्रपति होंरें गी विधि ते लोक महत्व दे मामलें च सर्वोच्च अदालत दी राय लैने दा अधिकार ऐ। इस बरे अप्रैल म्हीने सुप्रीम कोर्ट नै कुसै बी बिल पर फैसला लैने लेई समें सीमा तय कीती ही। संविधान दी दफा

201 तैहत राष्ट्रपति हुंदी मंजूरी दी प्रक्रिया तय कीती गेई पर ओदे च कुसै बी चाल्ली
दी समें सीमा जां खास प्रक्रिया सरंबधी जरूरतें दा जिक्र नेई ऐ।

<><><><><><>